

## Bókin

### Lög um fiskeldi – „Þetta hefur eftirmála“

#### Tilgangur

- *Heilstætt yfirlit:* Í bókinni verður m.a. farið yfir vinnubrögðin og spillinguna sem viðgengst við undirbúning og gerð laga um fiskeldi. Hvernig ákveðnir aðilar náðu að skapa sjálfum sér og sínum mikinn fjárhagslegan ávinning. Hvernig umhverfismál og fjárhagslegur ávinningur tengjast þannig að lesandinn fái heilstæða mynd af framgangi málsins o.s.frv.
- *Tímaröð:* Framvindu hvers árs verður lýst og farið sérstaklega yfir vinnubrögð sem geta hvorki talist fagleg, né heiðarleg. Byrjað verður á þeim tímapunkti þegar starfshópur sjávarútvegs- og landbúnaðarráðherra um stefnumótun í fiskeldi var stofnaður seinnihluta ársins 2016 og stöðu mála á þeim tíma.
- *Gagnagrunnur:* Bókin verður með rafræna tengingu inn á fjölda heimilda, greinagerða, upplýsingabanki fyrir þá sem vilja vinna áfram með einstaka þætti málsins.
- *Halda mönnum upplýstum:* Bók verður lifandi skjal þar sem einstakir kaflar verða uppfærðir eftir því sem viðbótarupplýsingar koma inn og bætt við nýjum kafla/köflum fyrir hvert ár.

#### Heimildaöflun

- *Skriflegar heimildir:* Megin áhersla verður á að styðjast við skriflegar, birtar og óbirtar heimildir. Það veður kallað eftir frekari gögnum með tilvísun til upplýsingalaga á næstu mánuðum og árum.
- *Samtal:* Til að fylla upp í skörð þar sem skriflegar heimildir eru engar eða litlar verður rætt við fjölda manns. Vonast er til að það fari að losna um „málbeinið“ á mönnum eftir því sem myndin skýrist og viðmælendur átti sig betur á spillingunni og í einhverjum tilvikum hvernig þeir voru misnotaðir. Heimildamenn geta valið um hvort þeir vilja láta nafns síns getið eða gætt verði nafnleyndar.

#### Bókin og greinagerðir

- *Tímaröð:* Bókinni verður skipt niður í fjölmarga kafla og fyrstu kaflarnir munu lýsa vinnubrögðunum og stöðinni á árunum 2016 og 2017. Í framhaldinu verður hvert ár tekið fyrir, fyrst 2018 í einum eða fleiri köflum o.s.frv.
- *Stutt og hnitmiðað:* Reynt verður að hafa efnið stutt og hnitmiðað með myndrænum skýringum og til nánari skýringa vísað til rafrænna heimilda.
- *Greinagerðir:* Gerðar verða ítarlegar greinagerðir um afmörkuð mál eins og t.d. hvert laxeldisfyrirtæki, sem samantekt verður tekin úr og vísað til í bókinni.

#### Birtingar

- *Rýni:* Þegar lokið er við að skrifa einstaka kafla eða greinagerðir verður hann sendur til ákveðinna aðila í tölvupósti og þeim gefinn kostur að lesa yfir, leiðrétta, bæta við, og gera athugasemdir. Tekið verður tillit til allra réttmætra athugasemda og ábendinga.
- *Birtingar:* Mikil vinna er framundan og gert er ráð fyrir að fyrsti kaflinn birtist í vor eða í sumar og í framhaldinu verður styttra á milli birtinga. Einstaka greinagerðir um afmörkuð efni kunna þó að birtast fyrr.
- *Endurskoðun:* Gera má ráð fyrir að það gangi misjafnlega að afla gagna um ákveðin mál og tímaseið. Þegar nýjar upplýsingar berast verður viðkomandi kafla bókarinnar endurskoðaður og útgáfa númer tvö gefin út o.s.frv. Þannig verður rannsóknin og bókin sennilega án fordæma.

Heiti bókarinnar „Þetta hefur eftirmála“ tekur mið af SMS frá stjórnarformanni Arnarlax eftir að höfundur sendi inn athugasemdir við fiskeldisfrumvarpið snemma á árinu 2019.